

# Orlof, staðarvaktafrí, leyfi og fjarvistir á sérnámsgrunnssári

## Áunnið orlof og skil á milli starfa að loknum sérnámsgrunni

Sérnámsgrunnslæknar í samfelldri ráðningu vinna sér inn u.þ.b. tvo daga í orlof fyrir hvern unninn mánuð. Við styttri námsdvöl, s.s. tímabils á heilsugæslu eða annarri sjúkrastofnun, þá er orlof greitt út í lok starfs þar. Óska má eftir því sérstaklega að orlof sé flutt milli starfsstöðva og greitt út við lok sérnámsgrunns. Þá þarf að hafa samband í góðum tíma við viðeigandi aðila á þeirri starfsstöð sem um ræðir og Maríu Guðmundsdóttur, launafulltrúa sérnámsgrunnslækna á Landspítala, netfang [maria@landspitali.is](mailto:maria@landspitali.is)

- Á Landspítala gildir að ef sérnámsgrunnslæknir gerir ekki nýjan ráðningarsamning við Landspítala, fær hann orlofið greitt út þegar starfi lýkur.
- Forsenda þess að halda ráðningarsambandi á milli sérnámsgrunns og sérnáms eða nýs starfs á Landspítala er eftirfarandi:
  - Innan við 4-6 vikur á milli starfa
  - Að búið sé að ganga frá ráðningu/samningi um sérnám eða nýtt starf
  - Staðarvaktafrí og uppsafnað orlof er nýtt þess á milli
- Ef sérnámsgrunnslæknir ræður sig í stöðu á Landspítala strax að loknum sérnámsgrunni þá fylgir orlofið með starfsmanninum í nýja starfið. Sérnámsgrunnslæknir semur þá við sitt nýja svið hvenær það er tekið út.

## Staðarvaktafrí

Staðarvaktafrí eru kjarasamningsbundin réttindi. Staðarvaktafrí áunnið á einni starfsstöð ber helst að taka út á viðkomandi starfsstöð. Ef það tekst ekki, þá koma staðarvaktir ekki til frádráttar í lok sérnámsgrunnnsins (eða við rof í ráðningu), heldur eru þær greiddar út. Ef sérnámsgrunnslæknir fer strax í annað starf á Landspítala þá flyst staðarvaktafrið yfir í nýja starfið. Ef sérnámsgrunnslæknir á enn inni staðarvaktafrí frá fyrra ári er það greitt út í maímánuði samkvæmt kjarasamningi.

## Launað eða ólaunað leyfi

Sérnámsgrunnur er 12 mánaða 100% klínísk vinna skv. reglugerð 467/2015, með viðbótum 411/2021, og því ekki gert ráð fyrir leyfi á námsárinu. Sérnámsgrunnslæknar geta óskað eftir leyfi í nokkra daga (færri en 5 daga) í samráði við yfirlækni á viðkomandi starfsstöð og telst sá tíma þá til fjarvista frá sérnámsgrunni. Oft má þó nýta staðarvaktafrí fyrir stutt leyfi. Ef sótt er um leyfi sem er lengra en 1 vika (5 samfelldir dagar) þá má reikna með að námsárið lengist sem um það sem því nemur. Sérnámsgrunnslæknar bera ábyrgð á því að sækja um leyfi með góðum fyrirvara og í samráði við yfirlækni og umsjónardeildarlækni. Umsókn um leyfi er á ábyrgð sérnámsgrunnslækna.

Hafa þarf eftirfarandi í huga:

- Orlof er ekki greitt út fyrir fram, þannig að ef óskað er eftir sumarleyfi, þá þarf sérnámsgrunnslæknir að hafa áunnið sér réttindi til þess.
- Að óskað sé eftir leyfi til umsjónardeildarlæknis/yfirlæknis (og/eða stjórnmerkta aðilans í tengiliðaskjali) með góðum fyrirvara og áður en vaktaskema liggur fyrir.
- Að sérnámsgrunnslæknir hafi fengið staðfestingu á leyfi frá umsjónardeildarlækni/yfirlækni (og/eða stjórnmerktum aðila í tengiliðaskjali).
- Að tilkynna þarf um launuð og ólaunuð leyfi til menntadeildar. Sérnámsgrunnslæknar skulu senda tilkynningu um samþykkt leyfi í tölvupósti til [sigruni@landspitali.is](mailto:sigruni@landspitali.is)

### **Veikindi**

Veikindi tilkynnist til viðkomandi umsjónardeildarlæknis/skrifstofustjóra/ritara og þess sérfræðilæknis sem er með teymið sem sérnámsgrunnslæknir vinnur á. Umsjónarlæknir/yfirlæknir getur óskað eftir vottorði vegna veikinda en almenna reglan er að ef veikindi vara viku eða lengur, ber að skila afriti af veikindavottorði til verkefnastjóra á menntadeild ([sigruni@landspitali.is](mailto:sigruni@landspitali.is)), sem kemur því til launadeildarinnar. Nóg er að skanna inn eða taka mynd af vottorðinu og senda sem viðhengi í tölvupósti. Kostnaður vegna vottorðsins er endurgreiddur ef kvittun fylgir með. Veikindi teljast til fjarvista af sérnámsgrunnsári.

### **Fæðingarorlof**

Tilkynning um fæðingarorlof sendist til Sigrúnar Ingimarsdóttur ([sigruni@landspitali.is](mailto:sigruni@landspitali.is)), sem gerir ráðstafanir í námsblokk og lengir árið um það sem því nemur. Miðað er við að allar fjarvistir fram að veikinda- og/eða fæðingarorlofi, þ.m.t. fjarvistir vegna lægra starfshlutfalls, séu teknar saman og þeim bætt við námsblokkina að loknu fæðingarorlofi. Ekki þarf að lengja sérnámsgrunn þó að sérnámsgrunnslæknir taki ekki vaktir í einhvern tíma fram að fæðingu barns. Ef sá tími reynist þó mjög langur, þá er mögulegt að viðkomandi þurfi að bæta það upp með verkefnum sem skila þarf inn í ePortfolio-kerfið.

Sérnámsgrunnslæknir þarf að láta viðkomandi umsjónardeildarlækna/yfirlækni vita með góðum fyrirvara, þannig að þeir geti haft í huga að mögulega þurfi að taka tillit til sérnámsgrunnslæknis vegna aðstæðna/veikinda fram að fæðingu barns. Veikindavottorðum skal skilað til Sigrúnar, en sérnámsgrunnslæknir þarf sjálfur að senda upplýsingar um veikindaleyfi eða möguleika á skertu starfshlutfalli til viðkomandi umsjónardeildarlæknis/yfirlæknir.

Sigrún Ingimarsdóttir ([sigruni@landspitali.is](mailto:sigruni@landspitali.is)) tekur á móti pappírnum og rafrænum skjölum frá Fæðingarorlofssjóði og sér um að fara yfir og skrifa undir þau skjöl.

### **Leyfi vegna vísindastarfa**

Sótt skal um leyfi til umsjónardeildarlæknis (og/eða stjórnmerkta aðilans í tengiliðaskjali) með góðum fyrirvara vegna þátttöku í ráðstefnum. Slík leyfi teljast til fjarvista af námsárinu, en óska má eftir því að staðarvaktafri sé nýtt vegna slíkra ferða. Sjá nánari upplýsingar í skjölunum „Námsdagar – minnisblað“ og „Hvernig má sækja um námsdaga, ferðakostnað og námskeiðsgjöld“ á heimasíðu sérnámsgrunnslækna [www.landspitali.is/sgl](http://www.landspitali.is/sgl)

### **Lenging á sérnámsgrunni vegna fjarvista**

Veikindaleyfi og/eða launað og ólaunað leyfi telst til fjarvista á námsárinu og teljast vaktir þar með. Leyfðar eru samtals 112 klst. í reiknaðar fjarvistir (vaktir taldar með) á námsárinu og miðast þær fyrst og fremst við stuttar fjarvistir sem dreifast yfir árið. Reiknaðar fjarvistir er samtals fjöldi fjarvista í klst., en hver fjarvistardagur telur þó aldrei meira en 8 klst.

Reiknaðar fjarvistir umfram 112 klst. lengja kandiðatsárið um 1 – x vikur, þ.e.:

- Reiknaðar fjarvistir umfram 112 klst. til og með 152 klst. lengir sérnámsgrunninn um 1 viku
- Reiknaðar fjarvistir umfram 152 klst. til og með 192 klst. lengir sérnámsgrunninn um 2 vikur
- Reiknaðar fjarvistir umfram 192 klst. til og með 232 klst. lengir sérnámsgrunninn um 3 vikur
- Reiknaðar fjarvistir umfram 232 klst. til og með 272 klst. lengir sérnámsgrunninn um 4 vikur, o.s.frv.

Lenging á sérnámsgrunni verður yfirleitt á því sviði þar sem flestar fjarvistir komu til.

Ef fjarvistir vara samfelld í viku eða lengur, þá má reikna með að árið verði strax lengt um það sem því nemur.

Sjá nánari upplýsingar aftast í gátlista fyrir viðurkenningu á sérnámsgrunni.

### **Vandamál**

Komi upp vandamál í tengslum við vaktaskema og leyfi, þá er mikilvægt að leysa það í samvinnu við umsjónardeildarlækni og yfirlækni á viðeigandi sviði. Takist það ekki geta sérnámsgrunnslæknar leitað til umsjónarmanna sérnámsgrunnns.